

সারাদেশ

ব্রাহ্মণবাড়িয়ায় কোটি টাকার ভারতীয় জিরাসহ কাভার্ড ভ্যান জব্দ

প্রতিবেদক: ব্রাহ্মণবাড়িয়া প্রতিনিধি

প্রকাশের তারিখ: রোববার, ৩০ আগস্ট ২০২৬, ০৫:২৩ PM



ব্রাহ্মণবাড়িয়ার বিজয়নগরে অভিযান চালিয়ে প্রায় এক কোটি টাকা মূল্যের ৬ হাজার কেজি ভারতীয় জিরা ও একটি কাভার্ড ভ্যান জব্দ করেছে বর্ডার গার্ড বাংলাদেশ (বিজিবি)।

গুত্রবার (২৪ জুলাই) বেলা ১১টার দিকে সরাইল ব্যাটালিয়ন (২৫ বিজিবি) গোপন সংবাদের ভিত্তিতে বিজয়নগর উপজেলার ইব্রাহীমপুর এলাকায় এ অভিযান পরিচালনা করে।

বিজিবি জানায়, সীমান্ত পিলার ২০০১/এমপি থেকে প্রায় পাঁচ কিলোমিটার বাংলাদেশের অভ্যন্তরে সিলেট থেকে ঢাকাগামী একটি সন্দেহভাজন কাভার্ড ভ্যানে তল্লাশি চালানো হয়। এ সময় বিজিবির উপস্থিতি টের পেয়ে গাড়িতে থাকা একজন ব্যক্তি দৌড়ে পালিয়ে যান।

পরে গাড়িতে থাকা জিরার বৈধ কাগজপত্র দেখাতে বলা হলে সংশ্লিষ্ট ব্যক্তি তা উপস্থাপন করতে ব্যর্থ হন। বৈধ কাগজপত্র না থাকায় কাভার্ড ভ্যান থেকে ৬ হাজার কেজি ভারতীয় জিরা জব্দ করা হয়। একই সঙ্গে কাভার্ড ভ্যানটিও জব্দ করা হয়েছে।

বিজিবির হিসাব অনুযায়ী, জব্দ করা জিরা ও কাভার্ড ভ্যানের আনুমানিক বাজারমূল্য এক কোটি টাকা।

জন্ম করা মালামাল ও কাভার্ড ভ্যান আখাউড়া কাস্টমস অফিসে জমা দেওয়ার কার্যক্রম প্রক্রিয়াধীন রয়েছে।

সরাইল ব্যাটালিয়ন (২৫ বিজিবি) জানিয়েছে, ব্রাহ্মণবাড়িয়ার বিজয়নগর ও আখাউড়া এবং হবিগঞ্জের মাধবপুর সীমান্ত এলাকায় নিরাপত্তা নিশ্চিত ও চোরাচালান প্রতিরোধে তাদের অভিযান ও গোয়েন্দা তৎপরতা অব্যাহত রয়েছে। এরই ধারাবাহিকতায় সীমান্তবর্তী এলাকায় নিয়মিত অভিযান পরিচালনা করে বিভিন্ন ধরনের চোরাচালানি পণ্য জব্দ করা হচ্ছে।

এ বিভাগের আরও খবর



সাতক্ষীরায় সড়ক দুর্ঘটনায় পথচারীর মৃত্যু
সাতক্ষীরায় যাত্রীবাহী বাসের ধাক্কায় আব্দুল মাজেদ (৬০) নামে এক পথচারী নিহত হয়েছেন। আজ রোববার সকাল সাড়ে ১০টার দিকে সাতক্ষীরা-খুলনা মহাসড়কে...



পদ্মায় নির্খোঁজ ছাত্রদল নেতা রকির মরদেহ উদ্ধার
কুষ্টিয়ার ভেড়ামারায় পদ্মা নদীতে নৌকা ভ্রমণে গিয়ে হার্ডিঞ্জ ব্রিজের পিলারের সঙ্গে ধাক্কা লেগে নির্খোঁজ বিনাইদহের শৈলকুপার পৌর ছাত্রদলের সদস্য...



ব্রাহ্মণবাড়িয়ায় কনসার্ট ইস্যুতে সমঝোতা, মানতে হবে যে শর্ত
ব্রাহ্মণবাড়িয়া সরকারি কলেজের নবীনবরণ উপলক্ষে কনসার্ট আয়োজনকে কেন্দ্র করে সৃষ্ট বিরোধের অবসান হয়েছে। শনিবার (১৩ সেপ্টেম্বর) সন্ধ্যায় ব্রাহ্মণ...



আন্তর্গঞ্জে রুমিন ফারহানাকে অবাঞ্ছিত ঘোষণা, বিএনপির বাডু মিছিল
জাতীয় সংসদে বিএনপির সমালোচনা করে দেওয়া বক্তব্যের প্রতিবাদে ব্রাহ্মণবাড়িয়ার আন্তর্গঞ্জে ব্রাহ্মণবাড়িয়া-২ আসনের স্বতন্ত্র
সংসদ সদস্য ব্যারিস্টার...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/brahmnbariyay-koti-takar-bhartiy-jirash-kabhard-bhjan-jbd>